

Bolsas de Apoio á Mellora 2019


Convoca: Unión de Cooperativas Galegas ESPAZO COOP

Destinatarias: Cooperativas e entidades de economía social

Convoca

Unión de Cooperativas Galegas EspazoCoop, dentro do Programa de actuación 2019 da Rede Eusumo.

A Rede Eusumo é unha rede de colaboración impulsada pola Secretaría Xeral de Emprego da Xunta de Galicia para o fomento e consolidación do cooperativismo e a economía social que conta co financiamento do Ministerio de Trabajo, Migraciones y Seguridad Social.



Obxecto

Espazocoop é unha entidade multisectorial, integrada por cooperativas de distintas clases, que ten, como un dos seus obxectivos, a mellora da xestión e do funcionamento a nivel organizativo das cooperativas.

Coñecida a situación existente (dun baixo nivel de xerencias profesionais nas entidades de economía social), dalle continuidade a **prestar apoio ao labor de mellora e consolidación** convocando o Programa de Bolsas en Entidades de Economía Social

O obxecto desta convocatoria é **seleccionar COOPERATIVAS e outras ENTIDADES DE ECONOMÍA SOCIAL** para **incorporar nelas a persoas coa titulación axeitada** que realizarán **prácticas de apoio e mellora xerencial na mesma** durante **4 meses** a tempo parcial. As persoas bolseiras contan cunha axuda mensual que abona EspazoCoop para desenvolver o seu labor, ademais a Unión encárgase do proceso de selección das bolseiras.

A finalidade do programa é mellorar as condicións nas que as cooperativas e entidades de economía social confrontan a función xerencial. O programa é de **carácter gratuito** para as entidades solicitantes.

CARACTERÍSTICAS DAS BOLSAS

Desenvolvemento dun Plan de mellora xerencial e de consolidación

As persoas bolseiras seguen un Plan de Traballo, un programa formativo, teórico e práctico, de xerencia en entidades de economía social, trátase de desenvolver un plan para a mellora xerencial na cooperativa/entidade. As bolseiras serán tituladas que contarán cunha persoa titora que se encarga de realizar seguimento e acompañamento dos traballos prácticos que fai na empresa, como poden ser: acadar información relevante dos distintos ámbitos da organización, analizar as diferentes áreas, ordear a información acadada, realizar propostas, planificar, aplicar as accións de mellora que decida a dirección, realizar o seguimento das medidas tomadas na entidade, etc.

Para cada entidade beneficiaria dunha bolsa, os traballos que se realicen, terán un certo grao de adaptación ás necesidades e demandas que esta manifeste ou que se detecte máis necesaria na área xerencial.

Quen pode solicitalas?

Con preferencia poden solicitalas as **cooperativas asociadas** a EspazoCoop, así como aquelas **empresas e entidades** vinculadas ao tecido asociativo da **economía social e solidaria** en Galicia, como por exemplo, o Foro pola Economía Social Galega ou REAS Galicia. No caso de que non se cubran as prazas, outras cooperativas solicitantes do programa **que teñan interese en mellorar o labor xerencial** e que non teñan persoal concreto e/ou profesionalizado para a xerencia .

Selección de cooperativas e entidades de economía social

O proceso de selección consistirá en recoller información das cooperativas demandantes:

- 1.- Mediante un formulario.
- 2.- A unión de cooperativas Espazocoop, asemade, recollerá máis información a través dunha visita ou entrevista coa cooperativa ou entidade solicitante.

A valoración e selección das cooperativas beneficiarias dunha bolsa será realizada por unha Comisión na que participará persoal do programa de bolsas, e representantes de EspazoCoop.

Compromisos das cooperativas e entidades de economía social seleccionadas

As cooperativas e entidades de economía social que sexan beneficiarias de bolsa, por un lado, terán dereito a dispor dunha persoa bolseira na área xerencial da cooperativa, con acompañamento dunha titora de EspazoCoop, e por outro lado, adquirirán certas obrigas ou compromisos (de participación no programa, de atención e colaboración coa persoa bolseira, etc.), que se reforzarán na visita dentro do proceso de selección e na guía de xestión do Programa, e se recollerán nun convenio de colaboración que será asinado entre a entidade beneficiaria, a persoa bolseira e EspazoCoop.

Na cooperativa ou entidade de economía social deben existir unhas condicións mínimas de atención e dedicación á bolsa e á persoa bolseira, tanto para que poida desenvolver os traballos encomendados, como para que a cooperativa tire proveito e contribúa á boa marcha da bolsa.

O incumprimento das obrigas e compromisos por parte da entidade beneficiaria da Bolsa poderá conlevar a suspensión da mesma e, se é o caso, a reclamación de danos e prexuízos por parte da Unión de Cooperativas EspazoCoop.

Onde se desenvolve a bolsa?

Como as persoas bolsieras **seguirán un programa formativo teórico – practico** dinamizado por unha persoa titora, o lugar de celebración dos traballos de apoio xerencial serán :

- Nas instalacións da propia cooperativa ou entidade de economía social.
- Nos lugares e instalacións que se estimen necesarios para impartir as actividades formativas e de titoría (locais da unión de cooperativas Espazocoop).

Por elo é **importante que a cooperativa dispoña das condicións de espazo e de equipamento idóneos**, para que a bolseira poida traballar sen carencias durante a estada en prácticas.

Titorías nas propias cooperativas e entidades de economía social

O Programa de Bolsas tamén prevé sesións de titorización dos traballos de mellora e xerenciais na propia cooperativa ou entidade de economía social. Nestas titorías participará algunha persoa socia da cooperativa/entidade, a persoa bolseira, e a titora de EspazoCoop.

Datas de posta en marcha

O **proceso de selección**, tanto de cooperativas e entidades de economía social como de persoas bolsseiras, terá lugar entre **xaneiro e marzo de 2019**.

A **estadía en prácticas** da persoa bolsseira na cooperativa ou entidade de economía social, terá lugar entre o **1 de abril e o 31 de xullo de 2019**.

SOLICITUDES : QUE PRESENTAR?

As cooperativas ou entidades de economía social chegarán a **solicitud** e un **formulario en liña** cumprimentado para formalizar a súa demanda.

1.- A **solicitud** pode achegarse en formato dixital (orixinal escaneado) ou en formato papel (orixinal). Deberá estar asinada pola presidencia e secretaria da cooperativa ou entidade de economía social e levar o selo.

Remitir a solicitud por correo electrónico á unión de cooperativas EspazoCoop, a:
roberto@espazo.coop

2.- O **formulario** de demanda de bolsa cumprimentarse en liña e o recibiremos automaticamente en Espazocoop.

INFORMACIÓN E CONSULTAS

No teléfono **986 866 149**, ou no correo electrónico roberto@espazo.coop

PRAZO DE PRESENTACIÓN

As solicitudes poderán presentarse ata o **30 de xaneiro de 2019**.

ACEPTACIÓN DAS BASES

A presentación da solicitud implica a conformidade e aceptación das bases da convocatoria por parte das cooperativas e entidades de economía social solicitantes.

En Santiago de Compostela, 18 de xaneiro de 2019